

## D3 Auschwitz-Birkenau



O dekreto kata o Heinrich Himmler pa Auschwitz kata o 16. decembro 1942 mothodja, kê sja le „Zigeuner“ save trajin ãnkê ando Njamco sî te aven deportirime ando AuschwitzBirkenau. Kaća porunka markiril e maj paluji planoski faza palaj eksterminacija kata l’ “Zigeuner”. Le masovni deportacije kata le njamcoskê, la austrijakê taj kata le čexoskê Ğom taj Sinti ande AuschwitzBirkenau teljarde ando aprilo 1943. Maj but de 20.000 Ğom taj Sinti spide sas ando Auschwitz ande 32 kaštune barake ando “Zigeunerfamilienlager”. Ži ka juni 1944 mule lendar 70 procentur. Kodolen, kaj sas dosta zurale te kêren bući, angêrenas pe aver KZ-ura, 2.879 řobon kaj palpale ašilesas, mundarenas gasosa ande rjat kata o 2. avgusto 1944.

### 💡 Žanglen tumen

...kê le řobur kata o „Zigeunerlager“ organizuisarde jek revolta? Ando majo 1944 kamlja e SS te selektiril ženen pala mundarimos ando gaso. Le Ğom taj Sinti dine le ženen kata SS pe skurto vrjama drom anda „Zigeunerlager“ aj kodja bařenca taj rovljanca.

### ✍ Tumari bući

Ando Auschwitz egzistiril jek mulengo registro le anavenca kata l’ Ğom taj Sinti, save sas mundarde ande kodo logoro. Zumaven pe website kata KZ-Gedenkstätte Auschwitz te arakhên maj but informacije.

### 📷 Paj fotografija

Patreto jeka barakako andral. Po patreto dićon gada, save thode te řućon e rjat po bov, kaj sî ando mařkar. Kado patreto sî fajma feri o jek prinžando patreto anda „Zigeunerlager“ AuschwitzBirkenau. Deutsches Bundesarchiv Koblenz/ Deutschland.



<https://www.romasintigenocide.eu/kalderasch/d>

1910

1951

1943-44